

四庫全書

集部

欽定四庫全書

文苑英華卷一百九十九

宋

李昉等

編

樂府八

從軍行四十三首

古悔從軍行一首

從軍有苦樂行一首

軍中行一首

從軍行二首

梁簡文帝

雲中亭嶂

一作障

羽檄驚甘泉烽火夜深

一作通夜

明二師將

軍新築營嫖姚校尉初出征復有山西將絕世受

一作愛

雄名三門應遁甲五壘學神兵白雲隨陣一作色蒼山

答鼓聲先平小月障却滅大宛城善馬還長樂黃金付

水衡小婦趙人能鼓瑟侍婢初笄解鄭聲迤邐觀鵝翼

參差覩鴈行庭前柳花一作桃花又作柳絮飛欲合必應紅粧起

見一作迎一作起

二

貳師惜善馬樓蘭貪愛財前年平一作右地今歲討輪

臺魚雲望旗聚龍沙隨陣開冰城朝浴鐵地道夜銜枚

將軍號令密天子璽書催何時反舊里遙見下機來

同前

梁元帝

寶劍飾龍烟長虹畫彩旃山虛和鏡管水靜瀉樓船連  
雞隨火度燧象帶烽然洞庭曉風急瀟湘夜月圓荀令  
多文藻臨戎賦雅篇

同前

蕭子雲一作顯

左角名王侵漢邊輕薄家子

良一作家

惡少年縱橫向沮澤

凌厲取沙田黃塵不見景飛蓬恒滿天邀功封浞野竊

寵拜一作却

祁連春風春月將進酒妖姬舞女亂君前

同前

劉孝儀

冠軍輕俠射長平自解

一作合

圍木落雕弓燥氣秋征馬

肥賢王皆屈膝幕府復申威何為從軍樂往還速如飛

同前

沈約

惜哉征夫子憂恨良獨多浮天出鯁海東馬渡交河雪

縈九折嶺風卷

集作風堅

萬里波維舟無夕島秣驥乏年莎

凌濤富驚沫援木闕垂蘿江颶鳴疊嶼流雲照層阿玄

埃晦朔馬白日照吳戈寢興動征怨宿寐起還歌晨裝

豈輟驚夕疊

一作夕疊

詎淹和苦哉遠征人悲矣將如何

同前

戴

嵩

樂府作吳均

長安夜刺閨

夜警投刺於門下

胡騎犯

一作白

銅鞮詔書發隴右

召募取關西劒懸三尺鞘鎧累七重犀督軍鳴戰鼓連

夜數更鞞侵星向柳塞際暗入榆溪秦涇含樂鳩晉火

逐飛雞逼泉開

一作通

地道望敵堅雲梯陰山日不暮

一作

著長城風自淒弓寒折錦綬

七入反字林云雜錦錦綬以被弓

馬凍滑

斜蹄燕旗竿上脆羗吹

一作笛

管中嘶登山成

一作試

下趙

憑軾且平齊當令函谷上唯用一丸泥

同前二首

張正見

胡兵屯薊北漢將起山西故人輕百戰聊欲定三齊風  
前噴畫角雲上舞飛梯鴈塞秋聲遠龍沙雲路迷燕然  
自可勒函谷詎須泥

二

將軍定朔邊刁斗出祁連高柳橫絕塞長榆接遠天井

泉含凍碣烽火照山燃欲知客心斷危旌萬里懸

同前二首

王褒

兵書久閑習征戰數曾經講戎平樂觀學戲一作羽林

覽獻

亭西征度踈勒東驅出井陘牧馬濱長渭營軍毒上涇

平雲如陣色半月類城形羽書封信璽詔使動流星對

岸流沙白緣河柳色青將幕恒臨斗旌門常背刑勲封

瀚海石功勒燕然銘兵勢因麾下軍圖送掖庭誰憐下

玉筯向幕掩金屏



二

黃河流水急，驄馬送征人。谷望河陽縣，橋渡小平津。惡

少年

一作多

遊俠結客好，輕身代風愁。捩馬胡霜宜，角筋

羽書勞警急。邊鞍倦苦辛，康居因漢使。盧龍有一作魏

臣荒戍唯，看柳邊城不識春。男兒重意氣，無為羞賤貧。

同前

庾信

河圖論陣氣，金匱辨星文。地中聞鼓角，天上下將軍。函  
犀恒七屬，絡鐵本千羣。飛梯聊度絳，合弩暫凌汾。冠陣

先中斷妖營即兩分連烽對嶺度嘶馬隔河聞箭飛如  
疾雨城崩似壞雲英王於此戰何用武安君

同前

周趙王

遼東烽火照甘泉  
薊北庭障接燕然  
水凍菖蒲未生節  
關塞榆莢一作葉不成錢

同前

盧思道

朔方烽火照甘泉  
長安飛將出祁連  
犀渠玉釵良家子  
白馬金羈一作鞍俠少年  
平明偃月屯右地  
薄暮魚麗逐

左賢谷中石虎經銜箭山上金人曾祭天天涯一去無

窮已薊門迢遞三千里朝見馬嶺黃沙合夕望龍城陣

雲起庭中奇樹已堪攀塞外征人殊未還白雪初下天

山外浮雲直上

一作向

五原關

一作間

關山萬里不可越誰

能坐對芳菲月流水本自斷人腸堅冰舊來傷馬骨邊

庭節物與華異冬霰秋霜春不歇長風蕭蕭度水來歸

鴈連連映天沒從軍行從軍萬里出龍庭單于渭橋今

已拜將軍何處覓功名

同前

明餘慶

三邊烽亂警十里且橫行風卷常山陣笳喧細柳營  
劍花寒不落弓月曉逾明會取淮南地持一作特作朔方城

同前三首

虞世南

塗山烽候警弭節度龍城冀馬樓蘭將燕犀上谷兵  
劍寒花不落弓月曉逾明凜凜嚴霜節冰壯黃河絕蔽日  
卷征蓬浮天散飛雪全兵值月滿精騎乘膠折結髮早  
驅馳辛苦事旌一作旄麾馬凍重關冷輪摧九折危獨有

山西將年年屬數奇

二

燿

一作峰

火發金徽連營出武威孤城寒雪起絕陣虜塵

飛俠客吸龍劍惡少縵胡衣朝摩骨都壘夜解谷蠡圍

蕭關遠無極蒲海廣難依沙磴離旌斷晴川候馬歸交

河梁已畢燕山旆欲飛

一作施

方知萬里相候服見

一作有

光輝

同前

楊炯

烽火照西京，心中自不平。  
牙璋辭鳳闕，鐵騎繞龍城。  
雪暗凋旗畫，風多雜鼓聲。  
寧為百夫長，勝作一書生。

同前

駱賓王

平生一顧重

一作念

意氣溢三軍，野日分戈影。  
天星合劍

文，弓弦抱漢月，馬足踐胡塵。  
不求生入塞，唯留死報君。

同前

西征軍  
行過風

崔融

北風卷塵沙，左右不相識。  
颯颯吹萬里，昏昏同一色。  
馬煩莫敢進，人急未遑食。  
草木春更悲，天景晝相匿。  
夙齡

慕忠勇雅尚存孤直覽史懷浸驕讀詩歎孔棘及茲戎  
旅地忝從書記職兵氣騰百荒軍聲動四極坐覺威靈  
遠行看氛祲息愚臣何以料倚馬申微力

同前

前人

穹廬殺氣亂金方五將神兵下玉堂天子旌旗過細柳  
匈奴運數盡枯楊關頭落月橫西夜塞下凝雲斷地荒  
漠漠邊塵飛衆鳥昏昏朔氣聚羣羊依稀蜀杖迷新竹  
髣髴胡麻識故桑臨海舊來聞驃騎尋河本自有中郎

坐看戰壁為平土近侍軍營作破羗

同前

喬知之

南庭結白露北風掃黃葉此時鴻鴈來驚鳴催思妾曲  
房理針線平砧擣文練鴛綺裁易成龍鄉信難見窈窕  
九重閨寂寞十年啼紗窓白雲宿羅幌月光棲雲月曉  
微微愁思流黃機玉霜凍珠履金吹薄羅衣漢家已得  
地君去將何事宛轉結蠶書寂寥無鴈使平生荷恩信  
本為容華進況復落紅顏蟬聲催綠鬢



同前

劉希夷

秋天風颯颯

一作秋風來瑟瑟

羣胡馬行疾嚴城晝不開伏兵

暗相失天子廟堂拜將軍凶門出紛紛

一作洛

陽道一作

伊洛戎馬幾萬疋軍門壓黃河兵氣衝白日平生懷伏

劍慷慨即投筆南登漢月孤北走代

一作燕

雲密近取韓

彭計早知孫吳術丈夫清萬里誰能掃一室

同前

王寵

兒生三日掌上珠驚領猿肱穠李膚十五學劍北擊胡

羌歌燕筑送城隅，城隅路接伊川驛。  
河陽渡頭邯鄲陌，可憐少年把手時。  
黃鳥雙飛一作雙雙，梨花白，秦皇築城三  
千里。西自臨洮，東遼水，山邊疊疊一作壘。  
黑雲飛海畔，莓莓青草死。從來戰鬪不  
求勲，殺身為君君不聞。鳳凰樓上吹急  
管，落日徘徊腸先斷。

同前

賀潮清

朔風乘月寇邊城，軍書挿羽刺一作賜。  
中京天子金壇拜，飛將單于玉塞振。  
佳兵騎先鳴，推任俠龍韜決勝佇。

時英聞有河書客恹恹理帷帟常山啓霸圖泥水先天  
策銜珠浴鐵向桑乾疊旗膏劒指烏丸鳴雞已報關山  
曉來鴈遙傳沙塞寒直為甘心從苦節隴頭流水長鳴  
咽邊樹蕭蕭不覺春天山漠漠長飛雪魚麗陣接雲塞  
平鴈翼營通海月明始看晉幕飛鵝入旋聞齊壘鳴鳥  
烏一作聲自從一戍燕支山春光幾度晉陽關金河未轉  
青絲騎玉筋應啼紅粉顏鴻歸燕相續池邊芳未綠已  
見氛一作氣清細柳營莫更春歌落梅曲烽沉竈減靜邊

青  
亭海晏山空肅已寧行望鳳京旋凱捷重來麟閣畫丹

同前

王維

吹角動行人喧喧行人起笳應一作悲馬嘶亂爭渡金河

水日暮沙漠垂力戰一作戰聲煙塵裏盡繫番王頸歸來報

天子

同前

李昂

漢家未得燕支山征戌年年沙朔間塞下長駐流血馬

雲中恒聞

一作開

玉門關陰山瀚海千萬里此日桑河凍

流水稽洛山邊胡騎來漁陽戍裏烽煙起長途羽檄何  
相望天子按劍思北方羽林練士拭金甲將軍校戰出  
玉堂幽凌異域風煙改亭嶂連連古今在夜聞鴻鴈南  
渡河曉望旌旗北臨海塞沙飛浙滙遙裔連窮蹟玄漠  
雲平初合陣西山月出聞鳴鏑城南百戰多辛苦路旁  
死臥黃沙人戎衣不脫隨霜雪汗馬趨趨長被鐵楊葉  
樓中不寄書蓮花劍上空流血匈奴未滅不言家駐逐

行行邊徼賒歸心海外是明月別思天邊夢落花落花  
迴望何悠悠芳樹無來渡隴頭春雲不變陽關雪桑葉  
先知胡地秋田疇不賣盧龍策竇憲思勒燕然石麾兵  
靜北垂日照交河湄欲令塞上無干戚會待單于繫頸  
時

同前

崔國輔

塞北胡霜下營州索兵救夜間

一作夜

偷道行將軍馬亦

瘦刀光照塞月陣色明如晝傳聞賊滿山已共前鋒鬪

同前

王昌齡

關城榆葉早疎黃日暮雲沙古戰場  
表請迴軍掩塵骨  
莫教兵士哭龍荒

同前四首

劉長卿

迴看虜騎合城下漢兵稀白刃兩相向  
黃雲愁不飛  
手中無尺鐵徒欲穿一作突長圍

二

草枯秋塞上望見漁陽郭胡馬嘶一聲  
漢兵淚雙落誰

為吮癰者此事今人薄

三

目極鴈門道青青邊草春一身事征戰足馬同苦辛一作  
勤末路成白首功歸天下人

四

黃沙一萬里白首無人憐報國劍已折歸鄉身幸全單  
于古臺下邊色寒蒼然

同前三首

李約



看圖閑教陣畫地靜論邊烏壘天西戍鷹窠塞上川路

長唯筭月

一作須  
筭日

書遠每題年無復生還望翻思未別

前

二

柵壕

一作  
高

三面關箭盡舉烽頻營柳和煙暮關榆帶雪

春邊城多老将磧路少歸人殺盡金

一作點  
盡三

河卒年年

添塞塵

三

堠火起雕

與鵬同

城塵沙擁戰聲遊軍藏漢幟降騎說蕃

情霜落澤沱

一作流池

淺秋深太白明嫫姚方虎視不覺說

請一作添兵

同前

杜 顏

秋草馬蹄輕角弓持弦急去為龍城候正值胡兵襲軍

氣橫大荒戰酣日將入長風金鼓動白露

一作霧

鐵衣濕

四起愁邊聲南轅時佇立斷蓬孤自轉寒鴈飛相及萬

里雲沙漲平川

一作路平

冰霰溢夜聞漢使歸獨向刀環泣

同前

盧綸

二十在邊城軍中得勇名卷旗爭

集作收

敗馬占

一作磧

護

集作擁

殘兵覆陣烏鳶起燒山草木鳴

集作明

塞閒思遠

獵師老厭分營雪嶺無人跡冰河足

集作有

鴈聲李陵甘

此沒惆悵漢公卿

同前

釋皎然

候騎出紛紛元戎霍冠軍漢鰲秋眈地羗火晝燒雲一

里戍

一作里戍

城合三邊羽檄分烏孫驅不

一作未

盡肯顧

遼陽勲

同前三首

姚合

朝朝十指痛唯署點兵符貧賤依前在顛狂一半無身  
慙山友棄膽賴酒杯扶誰道從軍樂春來鑷白鬚

二

每日尋兵籍經年

集作時

別酒徒眼疼長不校肺病且還

無僮僕驚衣窄親情覺語麤幾時得歸去依舊作山夫

三

濫得進士名才用苦不長性僻藝亦獨十年作詩引章  
六義雖粗成名字猶未揚將軍俯招引遣脫儒衣裳常  
恐虛受恩不慣一作能把刀鎗又無遠籌畧坐使虜滅亡  
昨來發兵師各各赴戰場顧我同老弱不得隨戎行丈  
夫生世間職分貴所當從軍不出門豈異病在牀誰不  
戀其家其家無風霜鷹鵠念搏擊豈貴食滿腸

同前

王貞白

從軍

集作  
從事

朔方久未省用干戈祇以恩信及自然遠塞

和邊聲動白草燒色入枯河每度因看獵令人勇氣多

古悔從軍行

憶昔仗孤劒十年從軍威論兵親玉帳逐虜過金微隴

水秋先凍關雲漢

一作寒

不飛辛懃功業在麟閣志猶集

多違

從軍有苦樂行

李益

勞者且莫

一作勿

歌我欲歌送

一作送君

觴行

一作從

軍有苦樂

此曲樂未央僕居在

一作本居又作本起

隴上隴水斷人腸東過

秦宮路宮路入咸陽時逢漢帝出諫獵至長楊詎馳遊

俠窟非結少年場一旦承嘉惠輕身一作命重恩光秉筆

參帷帟從軍至朔方邊馬一作地多陰風草木自淒涼斷

絕西海一作海雲去出沒胡沙長參差引鴈翼隱鱗騰軍裝

劒文夜如水馬汗涼一作凍成霜使一作狹氣五都少矜功

六郡良山河起目前睚眦死路傍北逐驅種一作獯虜西

臨復舊疆昔還剏餘資今出乃羸糧一矢弢一作破夏服

我弓不再張寄語丈夫雄苦樂身自當





文苑英華卷一百九十九

欽定四庫全書

文苑英華卷二百

宋 李昉等 編

樂府九

行路難三十一首

蜀道難五首

行路難四首

吳 筠

洞庭水上一株桐經霜觸浪困嚴風昔時抽心耀白日  
今旦卧死黃沙中洛陽名士見咨嗟一剪一刻作琵琶  
白璧規心學明月珊瑚映面作風花帝王見賞不見忘

提携把握登建章掩抑摧藏張女彈慙慙促柱楚明光

年年月月對君王

一作子

遙遙夜夜宿未央綵女宮娥

一作

未火  
彩女

棄鳴篳爭見

一作先

拂拭爭

一作生

光儀茱萸錦衣玉

作匣安念昔日枯樹枝不學衡山南嶺桂至今千載猶  
未知

二

青瑣門外安石榴連枝接葉夾御溝金墉城裏

一作西

合

歡樹垂條照彩拂鳳樓遊俠少年遊上路傾心顛倒相

戀慕摩頂至足買片言開胸瀝膽取一顧自言家在趙  
邯鄲翩翩舌杪復劒端青驪白駁的盧馬金羈綠鞍紫  
絲鞵蹀躞橫行不肯進夜夜汗血至長安長安城中諸  
賢一作貴臣爭貴文士一作儒者席上珍復聞梁王好學問輕  
棄劍客如埃塵吾丘壽王始得意司馬相如適被申大  
才大辯尚如此何況我輩輕薄人

三

君不見西陵田縱橫十字成陌阡君不見東郊道荒涼

蕪沒起寒煙盡是昔日帝王處歌姬舞女達天曙今日

翩翩

一作妍

少年子不知華盛落前去吐心吐意

一作氣

許

他人今且

一作旦

迴惑生猶豫山中桂樹自有枝心中方

寸自相知何言歲月忽相若

一作若

馳君之意念

一作情意

與我

離還君玉璫

一作玳瑁

金雀釵不忍見此使

一作便

心危

四

君不見上林苑中客冰羅霧縠象牙席盡是得意忘言者探腸見膽無所惜白酒甜鹽甘如乳綠觴皎鏡華如

碧少年持名不肯嘗安知白駒如過隙博山鑪中百和  
香鬱金蘇合及都梁逶迤好氣佳容貌經過青瑣歷紫  
房已入中山馮后帳復上皇帝班姬床班姬失寵顏不  
開奉帚供養長信臺日暮耿耿不能寐秋風切切四面  
來玉階行路生細草金爐香炭變成灰得意失意須臾  
頃非君方寸逆所裁

同前

王筠

千門皆閉夜何央百憂俱集斷人腸探揣箱中取刀尺

拂拭機上斷流黃情人逐情雖可恨復畏道遠

一作傷畏邊遠

乏衣裳已繩一壘催衣縷復搗百和裛衣香猶憶去時  
腰大小不知今日身短長襖襠雙心共一袂帕複兩邊  
作八撮襟帶雖安不忍繫

一作縫

開孔裁穿猶未達曾前

却月兩相連本照君心不照天願君分明得此意勿復  
流蕩不如先含悲含怨判不死封情忍思待明年

同前二首

費昶

君不見長安客舍門倡家小女名桃根貧窮夜紡無燈

燭何言一朝奉至尊至尊離宮百餘處千門萬戶不知  
曙唯聞啞啞城上烏玉蘭金井牽轆轤丹梁翠柱飛流  
蘇香薪桂火炊雕胡當年翻覆無常定薄命為女心已

麗

一作必已麗  
一作何必麗

此篇英華作吳筠而二樂府別添第二首却以此  
篇為費昶今從之

二

君不見人生百年如流電心中增壤君不見我昔初入



椒房時詎減班姬與飛燕朝踏一作踰金梯上鳳樓暮入

一作瓊鉤息鸞殿栢臺晝夜香錦帳自飄颻笙歌棗下

曲一作滕琵琶陌上桑過叨一作蒙恩所賜餘光曲沾被

既逢陰后不自專復值程姬有所避黃河千年始一清

微軀再逢永無義一作議蛾眉偃月徒自妍傅粉施朱欲

誰為不如天泉一作淵水中鳬一作鳥雙去雙歸長比翅

同前

盧照隣

君不見長安城北渭橋邊枯木橫槎臥古田昔日含紅

復含紫長時留霧亦留煙春景春風花似雪香車玉輦

恒闐咽若箇遊童

一作人

不競攀若箇倡家不來折倡家

寶袂蛟龍帔公子銀鞍千萬騎黃鸝一一向花嬌

一作黃鸝

一作青鳥

兩兩

三三將子戲千尺長條百尺枝月桂星

一作

青丹

桂榆相蔽虧珊瑚葉上鴛鴦鳥鳳凰巢裏鸚鵡兒巢

傾枝折飛鳳

一作鳳歸

去條枯葉落任風

一作狂風

吹一朝顚顚

一作零落

無人問萬古摧殘君詎知人生貴賤無終始倏忽

須臾難久恃誰家能駐西山日誰家能堰東流水漢家

陵樹滿秦川行來行去盡哀憐自昔公卿二千石咸擬

榮華一萬年不見朱唇將玉一作白貌唯聞青一作素棘與

黃泉金貂有時換美一作湏換酒玉塵但搖莫計錢寄言坐

客神仙署一生一死交情處蒼龍闕下君不留一作來白

鶴山頭一作前我應去雲間海山一作上邈難期赤心會合

在何時但願堯年一百萬長作巢由也不辭

同前一作從軍中  
行路難二首

駱賓王

君不見封狐雄虺自成羣憑深負固結妖氛玉璽分兵

徵惡少金壇授律勸

一作受律勸

將軍將軍擁旄宣廟畧戰

士橫戈

一作行

靜夷落長驅一息背銅梁直指三危逾

一作

危登又

劒閣閣道巖崑起

一作遙上

戍樓劍門遙裔俯靈

丘仰關九折無平路江水雙源有急流征役無期返他

鄉年歲

一作歲華

晚杳杳丘陵出蒼蒼林薄遠途危紫蓋峯

路澁青泥坂去去指哀牢行行入不毛絕壁千重險連

山四望高中外分區禹夷夏殊風土交趾枕南荒昆彌

臨北戶川原饒毒霧谿谷多淫雨行潦四時流崩查千

歲古漂梗飛蓬不暫一作自

一作自

安捫蘿引葛度一作陟

一作陟

危巖昔

時聞道從軍樂今日方知行路難滄江綠水東流駛炎

洲丹徼南中地南中南斗映星河秦川一作關

一作關

秦塞阻煙

波三春邊地風光少五月瀘中瘴癘多朝驅疲斥堠夕

息倦誰何一作樵歌

一作樵歌

向月彎繁弱連星轉太阿重義輕生懷

一顧東伐西征凡幾度夜夜朝朝班鬢新年年歲歲戎

衣故灞城隅滇池水天涯望轉積地際行無已徒覺炎

涼節物非不知關山千萬里棄置多重陳重陳多苦辛

且悅清笳梅柳曲詎憶芳園桃李人絳節朱

一作紅

旗分

白羽丹心白刃酬明主但令一被

一作枝

君王知

一作識

誰

憚三邊征戰苦行路難行路難岐路幾千端無復歸雲  
憑短翰空餘望日想長安

二

同心常伯  
軍中作

君不見玉關塞色閭邊庭銅鞮雜虜寇長城天子按劍  
征餘虜將軍受脰事橫行七德龍韜開玉帳千重

一作里

龜壘動

一作龜鼓壘

金鉦陰山苦霧埋高壘交河孤月照連

營連營去去無窮極擁旆遙遙過絕國陣雲朝結晦天  
山寒沙夕漲迷踈勒龍鱗水上開魚貫馬首山前振鵬  
鵬一作翼長驅萬里驚祁連分麾三令一作武功宣百發

烏號遙碎柳七尺龍文迴照蓮春來秋去移灰琯蘭閨  
柳市芳塵斷鴈門迢遞尺書稀鴛被相思雙帶緩行路  
難誓令氛祲靜皋蘭但使封侯龍額貴一作隨中婦  
鳳樓寒

同前

王烈

晏客滿長路路長

一作難

良足哀白日持角弓射人而取

財千金誰家子紛紛死黃埃見者不敢言言者不敢迴  
家人各望歸豈知長不來

同前三首

李白

金樽美酒斗十千玉盤珍羞直萬錢停盃投筋不能食  
拔劍四顧心茫然欲度黃河水塞川將登太行雪暗天  
閑來垂釣坐溪上忽復東舟夢日邊行路難行路難多  
岐路道

一作今

安在長風破浪會有時直掛雲帆濟滄海



二

大道如青天我獨不得出  
羞逐長安社中兒赤鷄白狗  
賭梨栗彈劍作歌奏苦聲  
曳裾王門不稱情淮陰市井  
笑韓信漢朝公卿

一作侯

忌賈生君不見昔時燕家重郭

隗擁篲折節無嫌猜  
劇辛樂毅感恩分輸肝剖

一作割膽

効俊

一作英

才昭王白骨縈蔓草誰人更掃黃金臺行路

難歸去來

三

有耳莫洗潁川水有口莫食首陽蕨含光混世貴無名

何用孤高比明

一作雲

月吾觀自古賢達人功成不退皆

殞身子胥既棄吳江上屈平終沉

一作投

湘水濱陸機英

才

一作雄才

豈自保李斯稅駕苦不早華亭唳鶴詎可聞上

蔡蒼鷹何足道君不見吳中張翰稱達生秋風忽憶江  
東行且樂生前一盃酒何須身後千載名

同前

崔顥

君不見建章宮中金明枝萬萬長條拂地垂二月三月

花如霰九重幽深君不見艷彩朝含四寶宮春風旦

一作香風吹

入朝雲殿漢家宮女春未闌愛此芳香朝暮看

看去看來心不忘攀折將安鏡臺上雙雙素手剪不  
成兩兩紅粧笑相向建章昨夜起春風一花飛落長信  
宮長信麗人見花泣憶此玳樹何嗟及我昔初在昭陽  
時朝攀暮折登玉墀只言歲歲長相對不寤今朝遙相  
思

同前

王昌齡

雙絲作綆繫銀瓶百尺寒泉轆轤上懸絲一絕不可望  
似妾傾心在君掌人生意氣好遷捐只重狂花不重賢  
宴罷調箏奏離鶴迴嬌轉盼泣君前君不見眼前事豈  
保須臾心勿異西山日下兩足稀側有浮雲無所寄但  
願莫忘前者言剉骨黃塵亦相媿行路難勸酒莫辭頻  
美酒千鍾猶可盡心中片恨何可論一聞漢主思故劍  
使妾長嗟萬古魂

同前

李頎

漢家名臣楊德祖四代五公享茅土父兄子弟綰銀黃

躍馬鳴珂朝建章火浣單衣繡方領茱萸錦帶玉盤囊

賓客填街復滿堂

一作坐

片言出口生輝光世人逐勢爭

奔走瀝膽隳肝唯恐後當時一顧登青雲自謂生死長

隨君一朝謝病還鄉里窮巷蒼苔

一作茫

絕知己秋風落

葉閉重門昨日論交竟誰是薄俗嗟之

一作嗟

難重陳深

山麋鹿可為

一作下為

隣魯連所以蹈滄海古往今

一作佳今來

稱達人

同前

賀蘭進明

君不見門前柳榮耀幾

一作暫

時蕭索久君不見陌上花

狂風吹去落誰家誰家新

一作思

婦見之歎蓬首不梳心

歷亂盛年夫婿長別離歲暮相逢色凋換

此詩元題高適集無之郭茂倩樂府并適集却別

載適第二首今既附入而以此篇從樂府為賀蘭

作

君不見富家翁舊

一作昔

時貧賤誰比數一朝金多結豪

貴百

一作萬

事勝人健如虎子孫生

一作成

長滿眼前妻解

能

一作

管絃安能舞自矜一朝忽

一作見

如此却笑傍人獨

愁苦東隣少年安所如席門窮巷出無車有才不肯學

千謁何用長年

一作年

空讀書

二

長安少年不少錢能騎駿馬鳴金鞭五侯相逢大道邊

美人絃歌爭留連黃

一作千

金如斗不敢惜片言如山莫

棄捐安知顓頊讀書者暮宿虛

一作靈

臺私自憐

同前

一作連  
環歌

韋應物

荆山之白玉兮良工雕琢雙環連月蝕中央鏡心穿故人贈妾初相結思在環中尋不絕人情厚薄苦湏臾昔似連環今似玦連環可碎不可離如何物在人自移上客勿遽歡聽妾歌路難傍人見環環可憐不知中有長恨端

同前

孟雲卿

君不見高山萬仞連蒼旻天長地久成埃塵君不見長



松百尺多勁節狂風暴雨終摧折古今何世無聖賢吾  
愛伯陽真乃天金堂玉闕疑朝羣仙拍手東海成桑田  
海中之水慎勿枯烏鳶啄蚌傷明珠行路難艱險莫踟  
躕

同前

馮著

男兒輾軻徒搔首入市脫衣且沽酒行路難權門慎勿  
干平人爭路相催殘春秋四氣相一作更迴換人事何須  
再三歎君不見雀為蛤鷹為鳩東海成田谷為岸負薪

客歸去來龜反顧鶴徘徊黃河岸上負薪一無此起塵二字

埃相逢未相識何用強相猜行路難故山應不改茅舍

漢中在白酒杯中聊一歌蒼蠅蒼蠅奈爾何

同前

顧集作此詩凡三段皆冠以君不見今英華止載前篇以集本附入

顧況

君不見古人

一作來

燒水銀變作北邙山上塵藕絲掛在

虛空中

一作桂山在虛空一作桂身在虛空

欲落不落愁殺人睂水英雄

多血刃建章宮闕成煨燼淮王身死桂樹折一作枝徐福

市一作一去音書絕行路難行路難生死皆由天秦皇漢

武遭下脫汝獨何人學神仙君不見擔雪塞井徒用力  
炊砂作飯豈堪喫一生肝膽向人盡相識不如不相識  
冬青樹上掛凌霄歲晏花凋樹不凋凡物各自有根本  
種禾終不生豆苗行路難行路難何處是平道中心無  
事當富貴今日覺君顏色好君不見少年頭上如雲髮  
少壯如雲老如雪豈知灌頂有醍醐能使清涼頭不熱  
呂梁之水挂飛流黿鼉蛟蜃不敢遊少年恃險若平地

獨倚長劍凌清秋行路難行路難昔少年今已老前朝  
竹帛事皆空日暮牛羊古城草

同前

釋寶月

君不見孤鴈關外發酸嘶度陽越空城客子心腸斷幽  
閨思婦氣欲絕凝霜夜下拂羅衣浮雲中斷開明月夜  
夜遙遙徒相思年年望望情不歇取我匣中青銅鏡倩  
人為君除白髮行路難行路難夜聞西城漢使度使我  
流淚憶長安

同前

薛能

何處力堪殫人心嶮萬端藏山難測度暗水自波瀾對  
面如千里回腸似七盤已經吳坂困欲向鴈門難南北  
誠一作成須泣高深不可干無因善行止車轍得平安

同前五首

貫休

君不見山高海深人不測古往今來轉青碧淺近輕浮  
莫與交地卑只解生荆棘誰道黃金如糞土張耳陳餘  
斷消息行路難行路難君自看

二

不會當時

一作初

作天地剛有多般愚與智到頭還用真

宰心何如上下皆清氣大道冥冥不知處那堪頓得義

和轡義不義兮仁不仁擬學長生更容易負薪

一作心

為

爐復為火緣木求魚應且止君不見燒金煉石古帝王  
鬼火熒熒白楊裏

三

君不見道傍廢井生古木本是驕奢貴人屋幾度美人

照影來素綆銀瓶濯纖玉雲飛雨散今如此繡闥雕甍  
作荒谷沸渭笙歌君莫謗不應長是西家哭休說遺編行  
者幾至竟終須合天理敗他成此亦何功蘇張終作多  
言鬼行路難行路難不在羊腸裏

四

九有茫茫共堯日浪死虛生亦非一清淨玄音竟不聞  
花眼酒腸暗如漆或偶因片言隻字登第光二親又不  
能獻可替否航要津口譚羲軒與周孔履行不及屠沽

人行路難行路難日暮途遠空悲歎

五

君不見道傍樹有寄生枝青青鬱鬱同榮哀無情之物

尚如此為人不及還堪悲父歸墳兮未期一作朝夕已分

黃金爭田宅高堂老母頭似雪心作數枝一作支淚長滴

我聞忽如負芒刺不獨為君空嘆息古人尺布猶可縫

潯陽義夫一作丈令人憶寄言世上為人子孝義團圓莫

如此若如此不遑死兮更何俟



蜀道難

梁簡文帝

巫山七百里巴水三迴曲  
笛聲下復高  
援鳴一作啼斷還

續

同前

劉孝威

玉壘高無極銅梁不可攀  
雙流亦

一作逆又作逆

巖道九坂澁

陽關鄧侯東馬度

一作去

王生歛轡還歛轡懼身尤叱馭

奉王猷若恠

一作恠

千金重誰為萬里侯  
戲馬吞珠界揚

舲濯錦流沉犀厭恠水掘鏡表靈丘隅山

一作岵山

金碧有

光輝遷豪車馬尚

一作正

輕肥彌想王褒擁節反

一作去更

憶相如秉傳歸君平子雲閒

一作寂

不嗣江漢英靈信已

哀

一作已信稀

此一詩英華與藝文類聚同惟郭茂倩樂府折前

五言八句為一篇後七言六句為一篇又無中間

六句而劉次莊樂府止有前八句今注異同為一

作

同前

陰

鏗

王尊奉漢朝靈關不憚遙高岷長有雪陰棧屢經燒輪  
摧九折路騎阻七星橋蜀道難如此功名詎可要

同前

張文琮

梁山鎮地險積石阻雲端深谷下寥廓層巖上鬱盤飛  
梁架絕嶺棧道接危巒攬轡獨長息方知斯路難

同前

李白

噫吁嚱危乎高哉蜀道之難難於上青天蠶叢及魚鳧  
開國何茫然爾來四萬八千歲不一作乃與秦塞通人煙

西當太白有鳥道可以橫絕峨眉巔地崩山摧壯士死

然後天梯石棧相鈎連上有六龍迴日之高標

一作上有橫河

斷海之浮雲

下有逆折衝波之流川

一作下有逆折衝波之回川

黃鶴之

飛尚不得過猿猱欲度愁攀緣青泥何盤盤百步九折

縈巖巒捫參歷井仰脅息以手撫心

一作膺

坐長歎問君

西遊何當

一作時

還畏途巉巖不可攀但見悲鳥號古木

雄飛呼雌逸林間又聞子規啼月落

一作夜月

愁空山蜀道

之難難於上青天使人聽此凋朱顏連峯去天不盈尺

一作連峯入  
煙幾千尺  
枯松倒挂倚絕壁飛湍瀑流爭喧豗峻崖

轉石萬壑雷其嶮也如此嗟爾遠道之人胡為乎來哉劒

閣崢嶸而崔嵬一夫當關萬夫莫開所守或匪人一作親

化為狼與豺朝避猛虎夕避長蛇磨牙吮血殺人如麻

錦城雖云樂不如早還家蜀道之難難於上青天側身

西望長咨一作令人嗟

文苑英華卷二百

欽定四庫全書

集部

文苑英華卷二百一  
三

詳校官太僕寺少卿臣李廷欽

助教臣常衡覆勘

總校官進士臣朱鈐

校對官編修臣盧燧

謄錄監生臣王叔愚

欽定四庫全書

文苑英華卷二百一

宋 李昉等 編

樂府十

巫山高二十一首

江南行二十一首

蜀國吟二首

白銅鞮歌六首

襄陽行一首

大堤曲一首

襄陽歌一首

豫章行二首

東武吟二首

武陵深行二首

紀遼東三首

廣陵行一首

巫山高

梁元帝

巫山高不窮，迥出荆門中。  
灘聲下濺石，猿鳴上逐風。  
樹

雜山如畫

一作盡

林暗澗疑空，無因謝神女。  
一為出房櫳

同前

王泰

迢遞巫山好

一作竦

遠天新霽時，樹交涼去遠。  
草合影開

遲谷深流響，咽峽近猿聲。  
悲只言雲雨，狀自有神仙期

同前

范雲



巫山高不極，白日隱光輝。  
靄靄朝雲去，冥冥暮雨歸。  
巖懸獸無跡，林暗鳥疑飛。  
枕席竟誰一作休薦，相望日一作空依依。

同前

蕭銓

巫山映巫峽，高高殊未窮。  
猿聲不辯處，雨色詎分空。  
懸崖下桂影一作月，深澗響松風。  
別有仙雲起，時向楚王宮。

同前

虞羲

南國多奇山，荆巫獨靈異。  
雲雨麗以佳，陽臺重怨一作千里。

思勿言再可

一作再

得特美君王意高唐一斷絕光陰不

可遲

同前

劉繪

高山與巫山參差鬱相望灼爍在雲間氛氲出霞上散  
雨收夕臺行雲卷晨帳出沒不易期嬋娟似惆悵

同前

鄭世翼

巫山凌太清岩堯類削成霏霏暮雨合靄靄朝雲生危  
峯入鳥道深谷寫猿聲別有幽棲客淹留攀桂情

同前

凌敬

巫岫鬱岵堯高高入紫霄白雲間包石玄猿迴挂

一作迴挂

條懸崖激巨浪脆葉殞驚飆別有陽臺處風雨共飄飄

一作飄飄

同前

李元操

荆門對巫峽雲夢邇陽臺燎火如奔電墜石似驚雷天  
寒秋水急風靜夜猿哀枕席無由薦朝雲徒去來

同前

盧照隣

巫山望不極，望下朝氛莫辨啼。猿樹徒看神女雲，驚濤亂水脉。驟雨暗岑<sub>一作</sub>文，霓衣即此地。况復遠思君。

同前

閻復本

君不見巫山高，高半天起絕壁千尋畫。相似君不見巫山，磕匝翠屏開。湘江碧水遶山來，綠樹春嬌明月峽。紅花朝覆白雲臺，臺上朝雲無定所。此中窈窕神仙女，仙女盈盈仙骨飛。清容出沒有光輝，欲暮高唐行雨送。今宵定入荆王夢，荆王夢裏愛穠華。枕席初開紅帳遮，可

憐欲曉啼猿處說道巫山是妾家

同前

喬知之

巫山十二峯參差互隱見潯陽幾千里周覽忽已遍想  
像神女姿摘芳共珍薦楚雲何逶迤紅樹日蔥蒨楚雲  
沒湘源紅樹斷荆門郢路不可見况復夜聞猿

同前

沈佺期

巫山峯十二合沓

一作還合

隱昭回俯眺琵琶峽平看雲雨

臺古槎天外倚瀑水日邊來何忽啼猿夜荆王枕席開

同前

張九齡

巫山與天近，煙景常青熒。此中楚王夢，夢得神女靈。神女去已久，白雲一作雲雨空冥冥。唯有巴猿嘯，哀音不可聽。

同前

皇甫冉

巫峽見巴東，迢迢出半空。雲藏神女館，雨到楚王宮。朝暮泉聲落，寒暄樹色同。青猿不可聽，偏在九秋中。

同前

李端

巫山十二峯，皆在碧空中。迴合雲藏日，霏微雨帶風。猿

聲寒度

一作過

水樹色暮連空愁向高堂宿

一作唐望

清秋見

楚東

一作宮

同前

張循之

巫山高不極合沓

一作沓

狀奇新暗谷疑風雨幽巖若鬼

神月明三峽曙潮滿二江春為問陽臺客應知入夢人

同前

李沆

挾天心開地脉浮動凌霄拂藍碧襄王端眸望不極似  
睹瑤姬長歎息巫粧不治獨西望暗泣紅蕉抱雲帳君

王妬妾夢荆宮虛把金泥印仙掌江濤迅激如相助十  
二嶰龍怒行雨崑崙謾有通天路九峯正在天低處

同前

李賀

碧叢叢齊

一作高

插天巴

一作大

江翻瀾神曳煙楚魂尋夢

風颺然曉風吹

一作飛

雨生苔錢瑤姬一去一千年丁香

叩竹號

一作竹啼

老猿古祠近月蟾桂寒椒花墮

一作紅

濕雲間

同前

陳陶



玉峯青雲

一作靈

十二枝金母和雲賜瑤姬花宮磊砢楚

宮外

一作列

仙

一作仙客

八面星斗垂秀色無雙怨三峽春

風幾夢襄王獵青鸞不在嬾吹簫班竹題詩寄江妾飄  
飄散絲巴子天苔裳玉轡紅霞幙歸時白帝掩青瑣瓊  
枝草草遺湘煙

同前

羅隱

下壓重泉上千仞香雲結夢西風緊縱有精靈得往來  
猶輓龜軒亦顛隕嵐光雙雙雷隱隱愁為衣裳恨為鬢

暮瀨朝行何所之江邊日月情無盡珠零冷露丹墮楓  
細腰長臉愁滿宮人生對面猶異同況在千巖萬壑中

江南行三首

梁簡文帝

桂楫曉應旋歷岸扣輕舷紫荷釣鯉魚銀筐挿矩

一作短

蓮人歸浦已

一作口

暗那得久迴船

二

江南有妙妓時則應璫樞月暈蘆灰缺秋還懸炭枯含  
丹和九轉芳樹應千株何辭天后誚終是列

一作到

僊都

三

陽春路時使佳人度桂中水上春併歸長楊拂

一作及又作拂

地桃花飛清風吹人光照衣景將夕且

一無此字

擲黃金留

上客

同前

梁武帝

衆花雜色滿山林舒芳搖綠垂輕陰連手蹀躞舞春

一作

輝心舞春心臨歲臆中心

一作人

望盡

一作無此字

獨踟躕

同前

沈約

棹歌發江潭采蓮度湘南宜湏間隱處州浦余自諳羅  
衣織成帶墜馬碧玉簪且一作但令舟楫渡寧計路岢岢

一作嵌嵌

同前

柳惲

汀洲採白蘋日落江南春洞庭有歸客瀟湘逢故人故  
人久不還春華復應晚不道新知樂只言行路遠

同前

李康成

梅花路好使香車度楊柳青青鶯欲啼風光搖蕩綠蘋

齊金陵城頭日色低日色低情難極水中鳬鷺雙比翼

同前

王勃

江南弄巫山連楚夢行雨行雲幾相送瑤軒金谷上春

時玉童仙

一作玉

女無見期紫露香煙眇難托青樓明日

一作清風明月

遙相思遙相思草徒綠為聽雙飛鳳凰曲

同前

宋之問

妾住越城南離居不自堪採花驚曙鳥摘葉餒春蠶懶

結茱萸帶愁安玳瑁簪待君

一作待臣

銷瘦盡日暮綠

一作碧

江潭

同前二首

崔顥

君家何處住妾住在橫塘停船暫借問或是同鄉

二

比

一作下

渚多風浪蓮舟欲漸稀那能不相待獨自逆潮

歸

同前二首

儲光義

逐流牽藕

一作荷

葉緣岸摘蘆花為憶

一作惜

鴛鴦鳥輕輕

動畫橈

二

綠

一作綠

江深見底高浪直翻空慣是湖邊住船

一作舟輕

不畏風

同前

張朝

芰菰葉爛別西灣蓮子花新猶未還  
妾夢不離江水上  
人傳郎在鳳凰山

同前

李叔卿

湖上女江南花無雙越女春浣紗風似箭月如弦少年  
吳兒曉進船郝家子弟謝家郎烏巾白衫紫香囊菱歌  
思欲絕楚舞斷人腸歌舞未終涕雙隕舊宮坡陀纔嶙  
隱西山暮雨過江來北渚春雲沿海盡渡口水流緩妾  
歸宵刺遲含情為君再理曲月華照出澄江時

同前

芮挺章

春江可憐事最在美人家鸚鵡能言鳥芙蓉巧笑花馬  
銜金作埒水抱玉為砂薄晚青絲騎長鞭赴狹斜



同前

劉慎虛

美人何蕩漾湖上風月長玉手欲有贈徘徊雙明璫唱

歌

一作  
歌聲

隨淥水怨色起青

一作  
朝

陽日暮還家望烟雲

一作

雲波橫洞房

同前

韓翃

長樂花枝雨滴銷江城日暮好相邀春樓不閉歲難鎖  
淥水迴通宛轉橋

同前

李賀

江中綠霧起涼波江上疊嶽紅峯我水風浦雲生老竹  
渚一作浦暝蒲帆如一幅鱸魚千頭酒百斛酒中倒卧南  
山綠吳歛越吟未終曲天上團團帖寒玉

同前

陳標

水光春色滿江

一作潮

天蘋葉風吹荷葉錢香蟻翠旗臨

一作卧

岸市艷娥紅袖渡江船曉驚白鷺聯翩雪浪蹙青

菱潋灩烟不怕汀洲芳草暮待將秋

一作春

興折湖蓮

同前

羅隱

江烟濕雨蛟綃軟漠漠小

一作遠

山眉黛淺水國多愁又

有情夜槽壓酒銀船滿細絲搖柳

一作細絲採怨

凝曉空吳王

臺榭春夢中鴛鴦鸂鶒喚不起平鋪綠水眠東風西陵

路邊月悄悄油壁車輕蘇小小

一作輕車嫁蘇小

### 蜀國吟

梁簡文帝

銅梁指斜谷劍道臨中區通星上分野作國下為都雅

歌固

一作固

良守妙舞自巴歛

一作渝

陽城嬉樂盛劍騎鬱

相趨五婦行難至百兩好遊娛牲祈望帝祀酒醉

一作醺

蜀侯誅江妃納重聘卓女愛將雛停絃時擊爪息路

一作

吹治脣朱春

一作脫

衫湔錦浪迴扇避陽烏聞君握道

一作

節返賤妾下城隅

同前

盧思道

西蜀稱天府由來擅沃饒雲浮玉壘夕日映錦城朝南  
尋九折路東上七星橋琴心若易解令客豈難要

白銅鞮歌三首

一作襄陽  
蹋銅蹄

梁武帝

陌頭征人去閨中女下機含情不能言送別沾羅衣

二

草樹非一香花葉百種色寄語故人情知我心相憶

三

龍門

一作馬

紫金鞍翠眊白玉羈照耀雙闕下知是襄陽

兒

右三首見郭茂倩樂府今文苑英華合第一第二  
為一首又增襄陽白銅鞮聖德應乾來兩句為首  
句按隋書樂志襄陽白銅鞮梁武帝自為三曲又

令沈約為三曲古今樂錄沈約又作其和云襄陽  
白銅鞮聖德應乾來合從樂府

同前

沈約

生長宛水上往官

一作從事

襄陽城一朝遇神武奮翼起先

鳴

二

踈控

一作踈控

飛塵起左右自生光男兒得富貴何必還故

鄉

三

分手桃李岸望別峴山頭若欲寄書信漢水向東流

襄陽行

張朝

玉盤轉明珠君王無定準昨見襄陽客刺說襄陽好無  
盡襄漢水峴山垂漢水東流風北吹只言一世長嬌寵  
那悟今夕一作朝見別離君渡清羌渚知人獨不語君見

木栖林憶我相思深莫作雲間鴻離聲願儔侶尚如匣  
中劍分形會同處是君婦識君情怨君恨君為此行下

床一宿不可保况乃萬里襄陽城襄陽傳近大堤北君  
到襄陽莫迷惑大堤諸女兒憐錢不憐德

大堤曲

李賀

妾家住橫塘紅紗滿桂香青絲學一作青雲教綰頭上髻明

月與作耳邊璫蓮風起江畔春大堤上留比人郎食鯉

魚尾與客狺狺一作妾食程程脣莫指襄陽道淶浦歸帆少今

日菖蒲短一作花明朝楓樹老

襄陽歌

李白



落日欲沒峴山西倒着接羅

一作行客醉歸

花下迷襄陽小兒

齊拍手攔街爭唱白銅鞮傍人借問笑殺山翁

一作公

醉似泥鷗鷖杓鸚鵡杯百年三萬六千日一日須

傾三百杯遙看漢水鴨頭綠恰似

一作疑是

蒲萄新

一作初

撥

酤此江若變作春酒累

一作壘

麴便築糟丘臺千金駿馬

換少妾笑

一作醉

坐金

一作雕

鞍歌落梅車旁側掛一壺酒

鳳笙龍管行相催咸陽市上

一作中

歎黃犬何如月下傾

金罍君不見晉朝羊公一片古碑材

一作石碑在

龜頭駁

一作

龜龍  
剝

落生莓苔淚亦不能為之墮心亦不能為之哀誰

能憂此身後事金龜銀鴨塋死灰清風明月不用一錢

買玉山自倒非人推舒州杓力士鎚

一作黃金  
爵白玉瓶

李白

一作

仙酒

與爾同死生襄陽雲雨今安在江水東流猿夜聲

此詩三百四十三卷重出今已削去注異同為一

作

豫章行

沈約

燕陸

一作陵

平而遠易河清且駛一見塵波阻臨途引征

思雙劍愛匣同孤鸞悲影異宴言誠易纂浩歌信難嗣  
卧聞夕鍾急坐閱朝光亟往歡墜壯心來戚滿哀志徂  
殂一作芳無再馥淪灰定還熾夏臺尚可忘榮辱亦奚事  
愧微曠士節徒感鄙生餌勞哉納辰和地遠托聲寄

同前

薛道衡

江南遠地接閩甌山東英妙屢經遊前瞻疊嶂千重阻  
却帶驚湍萬里流楓葉朝飛向京洛文魚夜過歷吳洲  
君行遠度茱萸嶺妾住長依明月樓樓中愁思不開頻

始復臨窓望早春  
鴛鴦水上萍初合  
鳴鶴園中花併新  
空憶常時角枕處  
無復前日畫眉人  
照骨金環誰用許  
見膽明鏡自生塵  
蕩子從來好留滯  
況復關山遠迢遞  
當學織女嫁牽牛  
莫作姮娥叛夫婿  
偏訝思君無限極  
欲罷欲忘還復憶  
願作王母三青鳥  
飛來飛去傳消息  
豐城雙劍昔曾離  
經年累月復相隨  
不畏將軍成久別  
只恐封侯心更移

東武吟

李白

好古笑流俗素聞賢達風方希佐明主長揖辭成功白

日在高天迴光燭微躬恭承鳳凰詔歛然

一作起

雲蘿中

清切紫垣迴優游丹禁通君王賜顏色聲價凌煙虹乘  
輿擁翠蓋扈從金城東寶馬麗絕景錦衣入新豐依巖  
望松雪對酒鳴絲桐因學楊子雲獻賦甘泉宮天書美  
片善清芬播無窮歸來入咸陽謔笑皆王公一朝去金  
馬飄落成飛蓬賓友日踈散玉樽亦已空才力猶可倚  
不慙世上雄閒作東武吟曲盡情未終書此謝知己吾

欽定四庫全書

文苑英華  
卷二百一

十六

尋黃綺翁

一作扁舟  
尋釣翁

同前

曹鄴

心如山上虎身若倉中鼠惆悵倚市門無人與之語夜  
宴李將軍欲望心相許何曾聽我言貪譴邯鄲女獨上  
黃金臺淒涼淚如雨

武陵深行

劉孝勝

劉次莊  
作孝驎

武陵

一作漢

深不測水安舟復輕暫借

一作侶

莊生釣還滯

鄂君行謹

一作棹

歌爭復

一作後

發謀鼓逐前征秦上山川

險黔中水復清

一作木石并  
又作木石青

林壑秋瀨急猿哀夜月明

澄源本千仞迴峯忽萬縈  
昭潭讓無底太華推削成日

落野通氣目極悵餘清  
下流曾不得

一作  
蜀

長邁寂無聲

羞學滄浪水濯足復霑纓

同前

爰寄生

滔滔武陵一何深  
鳥飛不度獸不敢  
臨嗟哉武陵兮多

毒淫

紀遼東二首

隋煬帝

遼東海北剪長鯨風雲萬里清方當銷鋒散馬牛旋師  
宴鎬京前歌後舞振軍威飲至解戎衣判不徒行萬里  
去空道五原歸

二

東旄杖節定遼東俘馘振

一作變

夷風清歌凱捷九都水

歸宴雒陽宮策功行賞不淹留全軍藉智謀詎似南宮  
複道上先封雍齒侯

同前

王 胄



遼東淇水事龔行俯拾信神兵欲知振旅旋歸樂為聽  
凱歌聲千乘元戎纔度遼扶馭已冰銷詎似百萬臨江  
水按轡空迴鑣天威電邁舉朝鮮信次即言旋還笑魏  
家司馬懿迢迢用一年鳴鸞詔蹕返清潼舍爵及疇庸  
何必豐沛多相識比屋降堯封

廣陵行

權德輿

廣陵寔佳麗隋季此為京八方稱輻輳五達如砥平大  
旆映空色笳蕭發連營層臺出重霄金壁摩顓清交馳

流水轂迴接浮雲薨青樓旭日映綠野春風晴噴玉光  
照地頻娥價傾城燈前互巧笑陌上相逢迎飄飄翠羽  
薄掩映紅襦明蘭麝一作遠不散管絃閒自清曲士守  
大墨達人隨性情茫茫竟同盡冉冉將何營且申今日  
歡莫務身後名肯學諸儒輩書窓誤一生

文苑英華卷二百一

欽定四庫全書

文苑英華卷二百二

宋 李昉等 編

樂府十一

長相思十五首

有所思二十首

君子有所思一首

自君之出矣五首

古離別九首

潛離別一首

遠別離一首

久別離一首

長別離一首

生別離二首

別離曲

長相思

梁昭明太子

相思終無

一作無終

極長夜起歎息徒見貌嬋

一作嬋嬋

娟寧知

心有憶寸心無所因願附歸飛翼

同前二首

張率

長相思久離別美人之遠如雨絕獨延佇中心結望雲

雲遠散

一作去遠

望鳥鳥飛滅遠望終若斯珠淚不能雪

二

長相思久別離所思何在若天垂鬱陶相望不得知玉  
階月夕映羅帷風夜吹相思不能寢坐望天河移

同前

雜言

陸瓊

長相思久

一作速

離別一罷駕騫鋒矢絕

一作罷駕

鴻

始

一作已

去柳堪結室冷鏡凝冰庭幽花似雪容貌春春

減

一作朝

書字朝朝

一作減

同前

徐陵

長相思望歸難傳聞更始戍樓蘭

一作傳聞奉詔戍車蘭

龍城遠

鴈門寒愁來瘦轉劇衣帶自然寬念君今一作君今念不見  
誰為抱腰看

同前

王 礎

長相思久離別兩同心一作憶不相徹悲風淒愁雲結

柳葉眉上銷菱花鏡中滅鴈封歸飛斷鯉素還流絕

同前二首

江 總

長相思久離別征夫去遠幽芳滅一作芳音滅又作幽芳歇湘水深

隴頭咽紅羅斗帳裏綠綺清弦絕逶迤百尺樓愁思三

秋結

二

長相思久別離春風送鶯入簷窺開脂粉弄花枝紅樓  
千愁色玉筋兩行垂心心不相照望望何由知

同前

蘇頌

君不見天津橋下東流水南望龍門北朝市楊柳青青  
苑北垂桃紅李白花參差花參差柳堪結此時憶君心  
斷絕

同前

李白

長相思在長安  
絡緯秋啼金井欄  
微霜淒淒簾色寒  
孤

燈不寐

一作明

思欲絕  
卷帷望月空長嘆  
佳期迢迢

一作美人

如花

隔雲端上有青冥之高  
天下有綠水之波瀾  
天長路

遠魂飛苦夢行

一作魂

不到關山難長相思  
摧心肝

同前

權德輿

少小別潘郎  
嬌羞倚畫堂  
有時裁尺素  
無事約殘黃  
鵲語臨粧鏡  
花飛落繡床  
相思不解說  
明月照空房



同前

劉復

長相思在桂林蒼梧山遠瀟湘深秋堂零淚倚金瑟朱  
顏搖落隨光陰長宵嘹唳命鴻侶河漢蒼蒼隔牛女寧  
知一水不可度況復萬山修且阻綵絲織綺文雙鴛昔  
時贈君君可憐何言一去瓶落井流塵歇滅金爐前

同前

陳羽

長相思長相思相思無限極相思苦相思相思損容色  
容色真可惜相思不可徹日日長相思相思腸斷絕腸

斷絕淚還續閒人莫作相思曲

同前

武元衡

長相思隴雲愁單于臺上望伊州鴈書絕蟬鬢秋行人

山北

一作天

畔暮雨海西頭殷勤大河水東注不還流

同前

曹鄴

妾顏與日改君心與日新三年得一書猶在湘之濱料  
君相輕意知妾無至親况當受明禮不合再嫁人願君  
多生日化質為妾身

有所思

梁簡文帝

昔未離長信金翠奉乘輿何言人事異宿昔故恩疎寂  
寞錦筵靜玲瓏玉殿虛掩閨泣團扇羅幌詠薜蘿

同前

梁昭明太子

公子路遠

一作遠行

隔乃在天一方望望江山阻悠悠道

一作

坂

路長別前秋葉落別後春花芳雷歎一流

一作聲

響雨

泪忽成行悵望情無極引領心

一作傾心還

自傷

同前

王筠

丹墀生細草紫殿網

一作納

輕陰曖曖巫山遠悠悠湘水

深徒歌輓轡劍空貽璫玕簪望君終不見眉淚且微吟

同前

庾肩吾

佳期杳

一作竟

不歸春物生芳菲拂面看離扇開箱見別

衣井桐生未合宮槐卷復稀不及銜泥鷺從來相逐飛

同前

王僧孺

夜風吹熠燿朝光照辟邪

一作昔邪  
无松也

幾銷靡蕪葉空落

蒲萄

一作桃

花不堪長織素誰能獨浣紗光陰復何極望

促反成賒知君自蕩子奈妾亦倡家

同前

劉繪

別離安可再而我更重之

一作佳人重更之

佳人不相見明月

空在帷共銜滿堂酌獨飲向隅眉中心亂如雪寧知有所思

同前

費昶

上林鳥欲飛長門日行

一作將

暮所思鬱不已空想丹墀

步簾動意君來雷聲似車度北方佳麗子窈窕能迴顧

夫君自迷惑非為妾心妬

同前

裴讓之

夢中雖暫見及覺始知非展轉不能寐徙倚獨披衣淒淒曉風急晻晻月光微室空當一作常達旦所思終不歸

同前

顧野王

賤妾有所思良人久征戍笳鳴故

一作胡

塞表

一作塞城表

花

閒一作開

落芳樹白登澄月色黃龍起烟霧還聞雉子斑

非復長征賦

同前

張正見

深閨久離別，積怨轉生愁。  
徒思裂帛鴈，空上望歸樓。  
看花憶塞草，對月想邊愁。  
相思日日夜夜，一作度淚臉年年流。

同前

陸系

別念恨城闔，還思樓上人。  
淚想愁

一作離

前落愁開

一作聞

別後新月來，疑舞扇花度。  
憶歌塵，只看月彩，一作今度裏那似隔河津。

同前

陳後主

佳人在北燕相望渭橋邊團團落日樹耿耿曙河天愁  
多明月下淚盡鴈行前別心不可寄唯餘琴上絃

同前

盧思道

長門與長信憂思並難任洞房明月下空庭綠草深怨  
歌裁潔一作素能賦受黃金復聞隔湘水猶言限桂林

悽悽日已暮誰見此時心

同前

楊炯

賤妾留南楚征夫向北燕三秋方一日少別比千年不



掩頤紅縷無論數綠錢相思明月夜迢遞白雲天

同前

沈佺期

君子事行後再空芳歲期美人曠延佇萬里浮雲思園  
槿綻紅艷郊桑柔綠滋坐看長夏晚秋月照羅帷

同前

一作君子  
有所思

李白

紫閣連終南青冥天倪色憑崖望咸陽宮闕羅北極萬  
井驚畫出九衢如絃直渭水清銀河橫天流不息朝野  
盛文物衣冠何翕赭廐馬散連山軍容威絕域伊臯運

元化衛霍輸筋力歌鍾樂休明

一作未休

榮去

一作至

老還逼

圓光任

一作過

滿缺太陽移中是不散東海金何爭西輝

匿無作牛山悲惻愴淚霑臆

同前

韋應物

借問江

一作堤

上柳青青為誰春空遊昨日地不見昨日

人繚繞萬家井往來車馬塵莫道無相識要非心所親

同前

陳陶

欲唱玄雲曲知音復誰是採掇情未來臨池畫春水

同前

王貞白

芙蓉出水時偶爾便分離自此無因見長教挂所思殘  
春不入夢芳信欲傳誰寂寞秋堂下空吟小謝詩

同前

女郎劉雲

朝亦有所思暮亦有所思登樓望君處靄靄蕭關道掩

淚向浮雲誰知妾懷抱

一作靄靄浮雲飛浮雲遮却  
陽關道向晚誰知妾懷抱玉

井蒼苔春院深桐花落

一作池

盡無人掃

君子有所思

沈約

晨策終南首顧望咸陽川戚里遡層闕甲館連一作崇

阡複塗希傑一作紫閣重臺擬望仙巴姬幽蘭奏鄭女陽

春絃共矜紅顏日俱一作但忘白髮年寂寞茂陵宅炫一作

照曜未央蟬無以五鼎盛顧嗤三徑玄

自君之出矣

鮑令暉

自君之出矣臨軒不解顏砧杵夜不發高門恒晝一作晝恒

闕幃一作帷中浮一作帳燭耀庭前華紫蘭物枯識節異

鴻歸知客寒近取暮秋盡餘思待春一作還

君

同前

范雲

自君之出矣羅帳咽秋風思君如蔓草連延不可窮

同前

陳叔達

一作賈馮吉

自君之出矣紅顏轉憔悴思君如明燭煎心且銜淚

同前

賈馮吉

一作陳叔達

自君之出矣明鏡罷紅粧思君如夜燭煎淚幾千行

同前

徐幹

自君之出矣明鏡不曾持

一作暗不治

思君如流水無有窮

已時

古別離

沈佺期

白水東悠悠中有西行舟  
舟行有反棹水去無還流  
奈何生別者戚戚懷遠遊  
遠遊誰當惜所悲會難收  
自居間芳麗青陽四五道  
皓月掩蘭室光風虛蕙樓  
相思無明晦長歎累冬秋  
離居久

一作分

遲暮高駕何淹留

同前

王適

昔歲驚楊柳高樓悲獨守  
今年芳樹枝孤栖怨別離  
珠

簾晝不捲羅幔晚長垂苦調琴先覺愁容鏡獨知頻年

鴈去

一作頻來鴈渡

無消息罷却駕紋

一作去駕文

何用織夜還羅

帳空有情春著裙腰自無力青軒桃李落紛紛紫庭蘭  
蕙日氛氲已能憔悴今如此更復含情一待君

同前

孟雲卿

朝日上高臺離人怨秋草但見萬里天不見萬里道君

行本遙遠苦樂誠

良一作

難保宿昔夢同衾憂心夢顛倒

含酸欲誰訴輾轉傷懷抱結髮年已深

一作遲

征行去何

早寒暄有時謝顙難再好人皆算年壽死者何曾老  
少壯會無一作見期水深風浩浩

同前二首

趙微明

離別無遠近事歡情亦悲不聞車輪聲後會將何時去  
日忘寄書來日乖前期縱知明當還一息千萬思

二

為別未幾日一日如三秋猶疑望可見日日上高樓唯  
見分手處白蘋滿芳洲寸心寧死別不忍生離憂



同前

姚係

涼風已嫋嫋露重木蘭枝獨上高樓望行人遠不知輕  
寒入洞戶明月滿秋池燕去鴻來至年年是別離

同前

釋皎然

太湖三山口吳王在時道寂寞千載心無人見春草誰

堪忍緘默

一作緘  
怨者

老特

一作  
特此

傷懷抱孤舟畏狂風一夜

一作  
點

宿煙島望所思兮若何月蕩漾兮空波雲離離兮

北斷鴻

一作  
鴈

耿耿兮南多身去兮天畔心折兮湖岸春

一作風胡為兮塞路使我歸夢兮撩亂

同前

權德輿

人生天地間  
譬若六轡馳  
夫壽既常數  
奈何生別離  
跡當中人域  
正情日已衰  
是非千萬境  
杳靄情塵滋  
出門事何常  
暫別亦難期  
冉冉歎流景  
悠悠限山陂  
盡此一夕歡  
華樽會前墀  
雞鳴東方曙  
夙駕臨通逵  
欲出懶一作移步  
欲留難致詞  
兩情不得已  
念此留何為  
天明去已遠  
寂默居人歸  
入門復上堂  
怳怳生驚疑  
經履同遊

處猶言常相隨覽物或臨盤翻恠來何遲乃知前日歡

本為今日悲翻思

一作持此

別後心寧及未見時則知交疎

分久久翻易持報君未別人

一作後

別後當自知

同前

孟郊

松遷

一作山

雲繚繞萍合

一作路

水分離雲去有歸日水分

無合時芳景役雙目

一作春芳役雙眼

春色柔四肢楊柳織別

愁千條萬條絲

潛別離

白居易

不得哭潛別離不得語暗相思兩心之外無人知深籠

夜鎖獨栖鳥利劍春斷連理枝河水雖清濁有日

一作雖

有清日

烏頭雖黑白有時

一作有白時

唯有潛離與暗別彼此

甘心無後期

遠別離

李白

遠別離古有皇英之二女乃在洞庭之南瀟湘之浦海  
水直下萬里深誰人不言此離苦日慘慘兮雲冥冥  
猩啼烟兮鬼嘯雨我縱言之將何補皇穹竊恐不照予

之忠誠雷憑憑兮欲吼怒堯舜當之亦禪禹君失臣兮  
龍為魚權歸臣兮鼠變虎或云堯幽囚舜野死九嶷聯  
綿皆相似重瞳孤墳竟何是帝子泣兮綠雲間隨風波  
兮去無還慟哭兮遠望見蒼梧之深山蒼梧山崩湘水  
絕竹上之淚乃可滅

久別離

前人

別來幾春未還家玉窓五見櫻桃花况有錦字書開緘

令

一作使

人嗟此腸斷彼心絕雲鬟霧

一作綠

鬢罷曄

一作梳

結愁如迴飈亂白雪去年寄書報陽臺今年寄書重相  
催東風兮東風為我吹行雲使西來待來竟不來落花

寂寞

一作寂寂

委青苔

長別離

吳邁遠

生離不可聞况復長相思如何與君別當我盛

一作少

年

時蕙華每搖蕩妾心長

一作空

自持榮乏草木歡悴劇霜

露悲富貴貌難老

一作身難變

貧賤顏易衰持此斷君腸君

亦宜自疑淮陰有逸將折羽不曾飛楚有扛鼎士出門

不得歸正為隆準公杖劍入紫微君才定如何白日下  
爭暉

生別離

梁簡文帝

別離四絃聲相思雙笛引一去十三年復無數書

一作  
好音

信

同前

白居易

食藥不易食梅難藥能苦兮梅能酸未如生別之為難

苦在心兮酸在肝晨雞再鳴殘月沒征馬嘶風

一作  
連嘶行

人出迴看骨肉哭一聲梅酸藥苦甘如蜜黃河水白黃

雲秋行人河邊相對愁天寒野

一作路

曠何處宿棠梨葉

戰風颼颼生離別生離別憂從中

一作何

來無斷絕憂積

一作極

心勞血氣衰末年三十生白髮

### 離別曲

孟雲卿

結髮生離別相思復相保何知日已久五變庭中草耿

耿大

一作天

海途悠悠吳江鳥但懼

一作恐

不出門出門無

遠道遠道行既難家貧衣正

一作服

單嚴風吹積雪晨起



鼻何酸生人各有志

一作意

豈不懷所安分明上天

一作天上

日生死誓同歡

文苑英華卷二百二